



ル 5
3143
10



10
ル 5
3143
卷 10

關縣志卷二十一

翰林院編修孫星衍

同纂

偃師縣知縣湯毓倬

仙釋傳

周

王子晉

列仙傳字子喬周靈王太子生而靈異好吹笙作鸞
鳳之音遊伊洛間浮邱公降其室授以靈藥接上嵩
山三十餘年已而去之後故人桓良遇子晉於緱山
謂良曰七月七日我當升天可與故人會別也至期

良與故人登山見子晉棄所乘馬於澗下馮白鶴
手謝時人而去須臾馬亦飛去崔文子嘗學道於子
晉子晉化為白蜺持藥與之文子驚怪引戈擊蜺
墜其藥俯而視之乃子晉尸也須臾化為大鳥飛鳴
而去

觀香

真仙通鑑字眾愛周靈王第三女母宋姬與子喬為
異母妹傳與飛解脫網之道入緱氏山中又與子喬
入陸渾山中積三十九年道成白日昇舉一說觀香
字眾愛觀香成道受書為紫清內侍妃領東宮中
夫人俱子喬妹又觀香同生兄弟

兄弟登仙凡七人

浮邱伯

列仙傳姓李居嵩山修道亦修道於緱山山有浮
洞嘗作原道歌虎伏龍亦藏龍藏先伏虎但畢河
功不用隄防拒諸子學飛仙在迷不得在左右得
臣四物相念護乾坤法象成自有真人顧又著經
經傳王子晉

祝鷄翁

搜神記洛陽人居尸鄉北山下養鷄百餘年鷄子餘

佛蘭地 卷二十一 二
頭皆有名字暮棲樹上晝放之翁行呼名卽別種而
至後賣鷄及子得千萬錢輒置去之吳作養魚池後
升吳山有白鶴孔雀數百嘗止其旁

唐

王子芝

列仙傳字仙苗自云河南緱氏人常遊京洛間莫知
其甲子好養氣而嗜酒故蒲帥琅琊公重盈作鎮
初年仙苗居紫極宮王令待之甚厚又聞其嗜酒
以三榼餉之聞曰仙苗遇 樵者荷簞入官門

而去子芝潛令人伺之樵者徑趨酒肆盡飲以歸
他日復來子芝語曰知子嗜酒吾有中令所餉醇醪
饋子薪價可乎曰可適飲之數盃因謂子芝是酒佳
矣然殊不及解縣石氏之醞也子芝因與擁壚祈於
樵者曰石氏芳醪可致否樵者索丹筆書一符置火
上烟未絕有一小豎立於前樵者勅之爾領尊師之
僕往石家取酒時既昏夜門已扃禁小豎謂芝僕曰
可閉目因搭其頭人與酒壺偕出自門隙已及解縣
攜酒而還因與子芝共傾焉其甘醇郁烈非世所傳
中宵樵者謂子芝曰已醉矣余召一客伴子飲可乎

夏而縣志

卷二十一 仙釋傳

三

子芝曰諾復書一朱符置火上瞬息間異香滿室有一人來堂堂美頰眉拖紫秉簡掛樵者其坐引蒲兩巡二壺且竭樵者燒一鐵筋授紫衣者云可去時東方明矣遂各別樵者因謂子芝曰識向來人否少頃可造河瀆廟祀之子芝送樵者訖因過廟所覩夜來共飲者乃河神也鐵筋之驗死然後子芝亦仙去

裴元靜

列仙傳緣氏令昇之女鄂縣尉李言妻也幼而聰慧好道請於父母置一靜室父母亦好道許之日以養火瞻禮道像獨居不用女侍別有女伴言其父母遺之遺不見詰之不言二十年歸于李言未一月言以素修道神人不許爲君妻請絕之李言亦慕道許焉乃獨居焚修夜中聞言咲聲李稍疑潛壁隙窺之見明光滿室異香芬馥有二女子年十七八鳳髻霓裳姿態婉麗侍女數人皆雲髻綃服綽約在側李異之而退及旦問元靜答曰此崑崙仙女慎勿窺也然元靜與君宿緣甚薄非久在人間念君後嗣未立候上仙來當爲言之後一夕有仙女降李言之室經年復降送一兒於李言此君之子也元靜卽當去矣後二日有五雲盤旋仙女奏樂白鳳載元靜飛昇向西

北而去

元瑛

宏簡錄本傳姓陳氏洛陽偃師人大業末出家深於
 經典辯博出羣病翻譯多訛謬貞觀初隨商人往遊
 西域廣求異本以參驗之所在必為講釋論難番人
 遠近咸尊伏焉凡居十七年經百餘國悉解其語仍
 采山川謠俗土地所有撰西域記十二卷至十九年
 到京朝見太宗大悅與之講論將梵本六百五十七
 部於宏福寺翻譯仍勅房元齡許敬宗廣招碩學沙
 門五十餘人相助整比高宗在東宮為文德皇帝

明

高老

隱九成輟耕錄偃師人幼為舖長嘗晝寢夢老人躡
 之曰純陽祖師至高驚起視不見復寢夢老人躡如

前又起視見一風道士自西來遂拽其衣而呼且行
過孫家灣迄不放道士叱曰此子風矣以手揮之
遂魔常行乞市中作穢屢被歐辱三年乃醒後不知
所終

元陽子

舊志姓姬自號元陽子山東海豐人與弟挺陽同
道後修煉於緱氏山中一日同飛昇去邑人王可
撰有懷仙傳

方技傳

唐書方技傳洛州偃師人梁國子祭酒山賓五世孫
少隨父恪令安喜吏有能召鬼神者盡傳其術乾封
初應岳牧舉調黃安丞以奇技自名高宗召見甚悅
擢冀王府文學試為寫室使宮人奏樂其中召崇儼
問何祥邪為我止之崇儼書桃木為二符剗室上樂
即止曰向見怪龍怖而止盛夏帝思雪崇儼坐頃取
以進自云往陰山取之四月帝憶瓜崇儼索百錢須
臾以瓜獻曰得之緱氏老人國中帝召老人問故曰
埋一瓜失之土中得百錢累遷正諫大夫帝令入園

供奉每謁見陳時政多託鬼神爲言至爲武后作慶
勝事又言章懷太子不德儀鳳四年爲盜所刺於
都好事者爲言崇儼役鬼勞苦爲鬼所殺而太后
太子使客殺之故贈侍中諡曰莊擢子珪爲秘書
命御史中丞崔謚等雜治誣服者甚衆及太子廢死
狀乃明

明

劉逸民

宋濂贈劉逸民先輩詩云自言宅偃師家有千金

又云又恐誤儒冠雜藝亦兼究雅琴辨商宮古

物推休祥八卦占爻辭更參九箴法俞穴別

膚腠彈碁與握槊暗勝起欲闕不覺疾聲呼有若熊

虎吼最便結風舞惟恐技難售偶逢玳筵張肴核列

釘餽酒酣兩耳熱徐起整衿袖文鸞側鞞翎皓鶴仰

塞噶躡躡盤鼓迴旋逐音奏

毓倬按濂詩稱逸民爲偃師人大抵貴公子而兼藝

術者倣魏志杜夔宋史王處訥例入之舊志俱不及

其姓名可見考訂之踈漏

縣志卷二十三

翰林院編修孫星衍

同纂

偃師縣知縣湯毓倬

藝文志

詔誥頌疏論書傳序令神道碑

詔誥

盤庚上

庚遷於殷民不適有居率籲眾感出矢言曰我王來
爰宅于茲重我民無盡劉不能胥匡以生卜稽曰其
如台先王有服恪謹天命茲猶不常寧不常厥邑于今
五邦今不承于古罔知天之斷命矧曰其克從先王之

烈若顛木之有由葉天其承我命于茲新邑紹復先王之
大業底綏四方盤庚敷於民由乃在位以常舊服正
法度曰無或敢伏小人之攸箴王命衆悉至於庭王若
曰格汝衆予告汝訓汝猷黜乃心無傲從康古我先生
亦惟圖任舊人共政王播告之修不匿厥指王用丕欽
罔有逸言民用丕變今汝聒聒起信險膚予弗知乃所
訟非予自荒茲德惟汝含德不惕予一人予若觀火予
亦拙謀作乃逸若網在綱有條而不紊若農服田力穡
乃亦有秋汝克黜乃心施實德於民至於婚友丕乃敢
言汝有積德言汝有積德不畏戎毒於遠邇言汝有積德惟農自安不替作
勞不服田畝越其罔有黍稷汝不和吉言於百姓惟汝
自生毒乃敗禍茲况以自災於厥身乃既先惡於民乃
牽其恫汝悔身何及相時恤民猶胥顧於箴言其發有
逸口矧予劓乃短長之命汝何弗告朕而胥動以浮言
恐沈於衆若火之燎於原不可嚮邇其猶可撲滅則惟
爾衆自作弗靖非予有咎遲任有言曰人惟求舊器非
求舊惟新古我先王暨乃祖乃父胥及逸勤予敢動用
非罰世選爾勞予不掩爾善茲予大亨於先王爾祖其
從與享之作福作災予亦不敢動用非德予告汝於難
若射之有志汝無侮老成人無弱孤有幼各長於厥居

勉出乃力聽予一人之作猷無有遠邇用罪伐厥死用
德彰厥善邦之臧惟汝衆邦之不臧惟予一人有佚罰
凡爾衆其惟致告自今至於後日各恭爾事齊乃位度
乃口罰及爾身弗可悔

盤庚中

盤庚作惟涉河以民遷乃話民之弗率誕告用直其有
衆咸造勿褻在王庭盤庚乃登進厥民曰明聽朕言
荒失朕命嗚呼古我前后罔不惟民之承保后胥
以不孚於天特殷降大虐先王不懷厥攸作視民

於此於罰予若籲懷茲新邑亦惟汝故以丕從厥志今
予將試以汝遷安定厥邦汝不憂朕心之攸困乃咸大
不宣乃心欽念以汝勸予一人爾惟自鞠自苦若乘舟
汝弗濟臭厥載爾忱不屬惟胥以沈不其或稽自怒曷
廖汝不謀長以思乃災汝誕勸憂今其有今罔後汝何
生在上今予命汝一無起穢以自臭恐人倚乃身迂乃
心予迓續乃命于天予豈汝威用奉畜汝衆予念我先
神后之勞爾先予丕克羞爾用懷爾然失於政陳于茲
高后丕乃崇降罪疾曰曷虐朕民汝萬民乃不生豎
予一人猷同心先后丕降與汝罪疾曰曷不暨朕幼孫

有比故有爽德自上其罰汝汝罔能迪古我先后既勞
乃祖乃父汝其作我畜民汝有戕則在乃心我先后綏
乃祖乃父乃祖乃父乃斷棄汝不救乃死茲予有亂政
同位具乃貝玉乃祖乃父丕乃告我高后曰作丕刑于
朕孫迪高后丕乃崇降弗祥嗚呼今予告汝不易永敬
大恤無胥絕遠汝分猷念以相從各設中于乃心乃有
不吉不迪顛越不恭暫遇茲宄我乃剝殄滅之無遺育
無俾易種于茲新邑往哉生生今予將試以汝遷承
乃家

盤庚下

盤庚既遷奠厥攸居乃正厥位綏爰有衆曰無戲言懋
建大命今予其敷心腹腎腸歷告爾百姓于朕志罔罪
爾衆爾無其怒協比讒言予一人古我先王將多于前
功適于山用降我凶德嘉績于朕邦今我民用蕩析離
居罔有定極爾謂朕曷震動萬民以遷肆上帝將復我
高祖之德亂越我家朕及篤敬恭承民命用永地于新
邑肆予冲人非廢厥謀弔由靈各非敢違卜用宏茲賁
嗚呼邦伯師長百執事之人尚皆隱哉予其懋簡相爾
念敬我衆朕不肩好貨敢恭生生鞠人謀人之保居叙
欽今我既羞告爾于朕志若罔有弗欽無總于貨寶

生生自庸式敷民德永肩一心

明英宗賜劉溫郝隆魏柔爲義民詔

制曰國家施仁養民爲首爾等能出穀若干石用助賑濟有司以聞朕嘉賴之特賜勅獎論勞以羊酒旌爲義民仍免本戶雜泛差役尚以蹈忠厚表勵風俗用副朝廷褒嘉之意欽哉故勅

頌

宋歐陽修會聖宮頌 并序

西京留守推官將仕郎試秘書省校書郎臣歐陽修謹
懇心滌慮頓首再拜言臣伏見國家采漢書原廟之制

修宮於永寧以脩園寢欲以盛陵邑之克奉昭祖宗之
光靈以耀示於千萬世甚盛德也修永惟古先王者將
有受命之符必先興業造功以警動覺悟於元元然後
有其位而繼體守文之君又從而顯明丕大以纂修千
萬物故其兢兢勤勤不忘前人是以前深而葉茂德厚
而流光子子孫孫承之無疆伏惟皇帝陛下以神聖之
德傳有大器乾健而正離繼而明卽位以來於茲十年
勤邦儉家以修太平日朝東宮示天下孝親執籩豆三
見於郊日星軌道光明清濁河不怒溢東南而流四夷
承命歡和以賓奔走萬里顧非有干戈告讓之命文移

發召之期而犀珠象牙文馬鼓玉旅於闕庭納於廐府
如司馬令無一後先至德之及上格於天下極於地中
浹於人而外冒於四表昆蟲有命之物無不仰戴神威
聖功效見如此太祖創造基始克成厥家當天受命之
功太宗征服綏來遂一海內唐武英文之業真宗禮樂
文物以隆天聲升平告功之典陛下夙夜虔共嗣固鴻
業纂服守成之勤基構累積顯顯昌昌益大而光稱於
三后之意可謂至孝况春秋歲時以禘以祫則有廟祫
之嚴配天昭孝則有郊廟明堂之位篆舍刻石則有聖
氏之官歌功之詩流於樂府象德之舞見乎羽毛惟是
邦家之光祖宗之爲有以示民而垂無窮者罔不宣著
陛下承先烈昭孝思所以奉之以嚴罔不勤備聖人之
德謂無以加而猶以爲未也乃復因陵園起宮室以望
神游土木之功嚴而不華地爽而潔宇敞而邃神靈杳
冥如來如宅合於禮經孝子警咳思親之義思以爲宮
且成非天子自臨享則不能以來三后之靈然郡國不
見治道太僕不先整屬恬然未聞有司之詔豈難於動
民而遲其來耶特以龜筮所考須吉而後行耶不然何
獨留意屋墻構築而至於薦見孝享未之思耶况是宮
之制夷山爲平外取客土鍛石伐木發兵胥靡調旁近

郡如此數年而道路之民徒見興爲之功恐愚無以識
上意是宜不惜屬車之費無違數日之勞沛然幸臨因
展陵墓退而諭民以孝思之誠遂見守土之臣采風俗
以問高年亦堯舜之事也古者天子之出必有采詩之
官而道路童兒之言皆得以聞臣是以不勝惓惓之心
謹采西人望幸意作爲頌詩以獻闕下詞曰

巍峩穹崇奠京之東有山而崧濟淪道源匯流而淵有
洛之川川靈山秀回環左右有高而阜其阜何名太祖
太宗真宗之陵惟陵之制因山而起隱隱隆隆惟陵之
氣常王而喜鬱鬱葱葱帝懷穹旻受命我宋造初於屯
補念先烈用顧余家宣力以勤赫赫三后重基累榭
豐而茂燕翼貽謀是惟永圖其傳在予曰祖曰宗有德
有功予實嗣之克勤克紹以孝以報予敢不思惟此園
陵先后之宅旣宅且安后來游止弗宮弗室神何以驩
迺相川原乃得善地地高惟近迺以荆灼迺訊寶龜龜
告曰猷帝命家臣而職我事而往惟寅一毫一絲給以
縣官無取於民伐洛之薪陶洛之土瓦不病窳柯我之
斧登我之靈不好且堅家臣之來役夫萬名三年有成
宮成翼翼在陵之側須後來格有門有宇有廊有廡有
庭有序殿分耽耽黼帷襜襜天威可瞻庭兮殖殖鉤盾

虎戟容衛以飭太祖維兄太宗維弟眞宗維子三聖疑
疑有以正位於此而會聖兮在天風馬雲車其來僊僊
聖會於此靈威神馭其宮肅然聖旣降矣其誰格之惟
孝天子聖降當享其誰來薦亦孝天子孝旣克祇而來
胡遲其下臣修作頌風之

文忠公集

宋李稅嘉禾頌

皇帝卽位之三年浴之偃師得嘉禾異畝同穎縣令臣
稅再拜受禾獻狀於府府以圖上推古按牒以蹟厥理
惟食在民功食配天而民惟國本本固則寧故王者
農重穀以育天下然則瑞之在禾明務本也異本固
亦無外也神爵赤雁芝房奇木之祥比茲彌矣恭惟皇
帝陛下嗣統以來祇事天地小心翼翼念茲稼穡愛惜
民力澤淪萬方下漏泉壤故誕降靈符以顯殊應審天
鑒之不遠覩降祥而益恭瑞之美者孰大於是臣職司
是邑弗頌弗揚臣實劣謏謹拜首稽首而作頌曰
於皇化淳開乾格坤丕顯厥耀毓祥闡珍酌我田惟
億惟衍茲秀浥靈協穰殊畝農曰噫嘻獻於縣令令受
偃僂以歸於府府不敢有歸於元后皇帝曰嘉天錫茂
祉予寶非祥筆在太史

國朝張楠瑞穀頌

康熙二十七年秋八月偃師縣廟前村嘉禾莖生一莖
三穗申報一時稱瑞爰作頌曰

戊辰之歲稽事有秋浮邱之野惠我與謳靈產嘉穀瑞
靄平疇一莖三穗今古稱尤豐年兆慶狼戾盈篝遺秉
滯穗曷承茲休歸之於天冥穆惟幽還之於地大塊悠
悠問之農人孰悉厥由海隅丕冒懿德作求嘉祥幸至
允矣

皇猷

省志

疏

漢樊準薦龐參疏

臣聞鸞鳥累百不如一鶚昔孝文皇帝悟馮唐之言而
赦魏尚之罪使爲邊守匈奴不敢南向夫以一臣之身
折方面之難者選用得也臣伏見故左校令河南龐參
勇謀不測卓而竒偉高才武畧有魏尚之風前坐微法
輸作經時今羗戎爲患大軍西屯臣以爲如參之人宜
在行伍惟明詔採前世之舉觀魏尚之功免赦參刑以
爲軍鋒必有成效宣助國威

後漢書

漢龐參請徵還鄧騭討先零羗疏

方今西州流民擾動而徵發不絕水潦不休地力不復
重之以大軍疲之以遠戍農功消於轉運資財竭於徵

發用疇不能墾闢禾稼不得收入搏手困窮無望來秋
 百姓力屈不復堪命臣愚以為萬里運糧遠就羗戎不
 若總兵養衆以待其疲車騎將軍隲宜且振旅留征西
 校尉任尙使督涼州士民轉居三輔休徭役以助其時
 止煩賦以益其財令男得耕種女得織紉然後畜精養
 乘懈沮出其不意攻其不備則邊人之仇報奔北之粟
 雪矣 後漢書

國朝河南巡撫何裕城請旌偃師縣民任天篤九世同
 居奏疏

奏為盛世嘉祥叠見一門九世同居恭懇

聖恩俯准旌表事竊 據署藩司江蘭詳稱查有偃師

縣民任天篤等自伊四世祖任光王起傳至伊四世孫
 瑞豐止子孫蕃衍至百餘人或名列成均職司舞佾一
 門式好九世同居洵為邳隆休徵實屬吉祥盛事可否
 仰懇

恩榮

賜旌以彰風化等情由府縣繪圖加結具詳前來 臣伏
 念世際重熙海宇沐平章之化時逢交泰人民沾位育
 之休茲據偃師縣民任天篤等誼敦同氣法善齊家勤
 耕讀而游手無聞合內外而聞言不起代傳九世依然

備前集卷二十三
張氏之同居丁及百餘究似鄭門之合食太和翔洽一家之元氣益如

聖教覃敷奕世之芳型儼若良規足式

褒典宜加似應仰懇

皇上天恩特加旌表俾家著協和得沐

聖朝之寵異戶敦雍睦咸徵壽宇之恬熙除將賁到國

結照例另疏題報外恭摺具

奏伏乞

皇上睿鑒謹奏

論

唐李德裕夷齊論

昔夷齊不食周粟餓於首陽之下仲尼稱其仁美其德蓋以取其節而激貪也所謂周粟者周王所賦人之祿是也諫而不從不食其祿可矣至於閻淑媛之言輒殮薇蕨斯可謂不智矣夫薇蕨者元氣之所發生四時之所順成日月之所燭風雨之所育周焉得而有之哉若以粟者周人之播殖則夷齊得非周人乎反覆其道盡未當理然夷齊之行實誤後人於陵仲子慕夷齊者也乃至不義其兄之祿潔則潔矣仁豈然哉厥後商雒四友畏秦之酷避秦之禍豈止潔身而已然殮紫芝以爲

糧飲泉以為獎終老南山以養其壽斯可謂仁智兼矣

文苑
英華

國朝朱彝尊王弼論

毀譽者天下之公未可以一人之是非偏聽而附和之也孔穎達有言傳易者更相祖述惟魏世王輔嗣之注獨冠古今蓋漢儒言易或流入陰陽災異之說弼始暢以義理此伊川程子語其徒學易先看王弼注也惟因范甯一言詆其罪深桀紂出辭太激學者過信之讀其書者先橫高談理數祖尙清虛八字於胸中謂其以老莊解易然弼既注易別注老子義不相蒙未嘗以老莊解易也吾見橫渠張子之易說矣開卷詮乾四德即引迎之不見其首隨之不見其後二語中如谷神芻狗三十輒為一轂高以下為基皆老子言在宋大儒何嘗不以老莊言易然則弼之罪亦何至深於桀紂耶

曝書亭集

書啟

漢龐參上鄧騭論徙邊郡人民入居三輔奏記

比年羗寇特困隴右供徭賦役為損日滋官負人責數十億萬今復募發百姓調取穀帛街賣什物以應吏求外傷羗虜內困徵賦遂乃千里轉糧遠給武都西郡塗路傾阻難勞百端疾行則鈔暴為害遲進則穀食稍損

備前縣志 卷二十三 三
運糧散於曠野牛馬死於山澤縣官不足輒貸於民民
已窮矣將從誰求名救金城而實困三輔三輔既困還
復爲金城之禍矣參前數言宜棄西域乃爲西州士大
夫所笑今苟貪不毛之地營恤不使之民暴軍伊吾之
野以慮三族之外果破涼州禍亂至今夫拓境不寧無
益於疆多田不耕何救饑餓故善爲國者務懷其內不
求外利務富其民不貪廣土三輔山原曠遠民庶稀疏
故縣圯城可居者多今宜徙邊郡不能自存者入居諸
陵田成故縣孤城絕郡以權徙之轉運遠費聚而近之
徭役煩數休而息之此善之善者也 後漢書

劉煦舊唐書杜甫本傳

甫字子美本襄陽人後徙河南鞏縣曾祖依藝位終鞏
令祖審言終膳部員外郎自有傳父閑終奉天令甫天
寶初應進士不第天寶末獻三大禮賦元宗奇之召試
文章授京兆府兵曹參軍十五載祿山陷京師肅宗徵
兵靈武甫自京師宵遁赴河西謁肅宗於彭原拜右拾
遺房琯布衣時與甫善時琯爲宰相請自帥師討賊帝
許之是年十月琯兵敗於陳濤斜明年春琯罷相甫上
疏言琯有才不宜罷免肅宗怒貶琯爲刺史出甫爲華

州司功參軍時關輔亂離穀食踊貴甫寓居成州同谷縣自負薪採杞兒女餓殍者數人久之召補京兆府功曹上元二年冬黃門侍郎鄭國公嚴武鎮成都奏爲節度叅謀檢校尚書工部員外郎賜緋魚袋武與甫世舊待遇甚隆甫性褊躁無器度恃恩放恣嘗憑醉登武之牀瞪眎武曰嚴挺之乃有此兒武雖急暴不以爲忤甫於成都浣花里種竹植樹結廬枕江縱酒嘯咏與田夫野老相狎蕩無拘檢嚴武過之有時不冠其傲誕如此永泰元年夏武卒甫無所依及郭英乂代武鎮成都英乂武人羸暴無能刺謁乃遊東蜀依高適既至而適卒是歲崔寧殺英乂楊子琳攻西川蜀中大亂甫以其家避亂荆楚扁舟下峽未維舟而江陵亂乃沂沿湘流遊衡山寓居耒陽甫嘗遊岳廟爲暴水所阻旬日不得食耒陽令知之自權舟迎甫而還永泰二年啗牛肉白酒一夕而卒於耒陽時年五十有九子宗武流落湖湘而卒元和中宗武子嗣業自耒陽遷甫之柩歸葬於偃師西北首陽山之前天寶末詩人甫與李白齊名而白自負文格放達譏甫齷齪有飯顆山頭之嘲諷元和中詞人元稹論李杜之優劣自後屬文者以稹論爲是甫有

集六十卷

宋祁新唐書杜甫本傳

甫字子美少貧不自振客吳楚齊趙間李邕奇其材先
往見之舉進士不中第困長安天寶十三載元宗廟獻
太清宫饗廟及郊甫奏賦三篇帝奇之使待制集賢院
命宰相試文章擢河西尉不拜改右衛率府胄曹叅軍
數上賦頌因高自稱道且言先臣恕預以來承儒守官
十一世迨審言以文章顯中宗時臣賴緒業自七歲屬
辭且四十年然衣不蓋體嘗寄食於人竊恐轉死溝壑
伏惟天子哀憐之若令執先臣故事拔泥土之久辱則
臣之述作雖不足鼓吹六經先鳴諸子至沉鬱頓挫
時敏給楊雄枚臯可金及也有臣如此陛下其忍棄之
會祿山亂天子入蜀甫避走三川肅宗立自鄜州羸服
欲奔行在爲賊所得至德二載亡走鳳翔上謁拜左拾
遺與房瑋爲布衣交瑋時敗陳濤斜又以客董廷蘭罷
宰相甫上疏言罪細不宜免大臣帝怒詔三司雜問宰
相張鎬曰甫若抵罪絕言者路帝乃解甫謝且稱瑋宰
相子少自樹立爲醇儒有大臣體時論許瑋才堪公輔
陛下果委而相之觀其深念至憂義形於色然性失於
簡酷嗜鼓琴廷蘭託瑋門下疾貧昏老依倚爲非瑋愛
惜人情一至沾汚臣嘆其功名未就志氣挫衄觀陛下

棄細錄大所以冒死稱述涉近許激違忤聖心陛下赦臣百死再賜骨骸天下之幸非臣獨蒙然帝自是不甚省錄時所在寇奪甫家寓鄜彌年艱窶孺弱至餓死因許甫自往省視從還京師出爲華州司曹功叅軍關輔餓輒棄官去客秦州負薪採橡栗自給流落劍南結廬成都西郭召爲京兆功曹參軍不至會嚴武節度劍南東西川往依焉武再帥劍南表爲參謀檢校工部員外郎武以世舊待甫甚善親詣其家市見之或時不巾而性褊躁傲誕嘗登武牀瞪視且嚴挺之乃有此兒武妻暴猛外若不爲忤中銜之一日欲殺甫及梓州刺史彘彘集吏於門武將出冠鉤於簾三左右白其母奔救得止獨殺彘武卒崔旰等亂甫往來梓夔間大歷中出瞿塘下江陵沂沅湘以登衡山因客耒陽游嶽祠大小遠至涉旬不得食縣令具舟迎之乃得還令嘗饋牛炙白酒大醉一夕卒年五十九甫放曠不自檢好論天下大事高而不切少與李白齊名時號李杜嘗從白及高適過汴州酒酣登吹臺慷慨懷古人莫測也數嘗寇亂挺節無所汙爲歌詩傷時澆弱情不忘君人憐其忠云贊曰唐興詩人承陳隋風流浮靡相矜至宋之問沈佺期等研揣聲音浮切不差而號律詩競相沿襲迨開元間稍

裁以雅正然恃華者質反好麗者壯違人得一概皆自
名所長至甫渾涵汪洋千彙萬狀兼古今而有之他人
不足甫乃厭餘殘膏賸馥沾丐後人多矣故元稹謂詩
人以來未有如子美者甫又善陳時事律切精深至于
言不少衰世號詩史昌黎韓愈於文章慎許可至於歌
詩獨推曰李杜文章在光燭萬丈長誠可信矣

新唐書

國朝劉青芝楊烈女傳

康熙三十一年吾邑樊節婦以烈死奉

旨建坊表閭焉當節婦初被殺也有老嫗夢入冥府友
理節婦獄曰殺人者劉表及獄具王荊州王習武實
乃表請荊州習武本營藉其姓劉是獄歷久未決至邑
令劉公子章一訊而定蓋節婦之烈又待劉而表著也
如楊烈女者神輒以克名姓夢告其父如言以獲旣彰
彰矣乃遲之四十餘年卒邀國家綽楔之典嗚呼其可
悲也哉烈女偃師夾河人少失母依兄嫂以生比長許
字同邑李有恒未嫁也歲暮其父充官役於外夜夢女
倉皇泣訴曰蕭諒殺我蕭諒殺我父驚且疑時方四鼓
趨歸烈女頭顱已斷左手五指盡落右手尚持帶牢甚
其兄與女間壁居固未聞蕭諒者同村鼓刀屠也艷烈
女久矣伺其兄熟寐携刀潛入女室欲汚女竟不可得

又恐洩也殺之逸去是夜大雪血點灑雪上直達諒戶
其父跡之果得諒諒衣濺血猶淋漓云遂鳴於官無何
諒縊死獄中事寢不以聞康熙三十四年十二月二十
五日也烈女年十七

序

唐穆員緱山道中五詠詩序

仲春之節洛帥還近郊亞尹尚書郎御史元公李公韋
公將事如軍賞心百里予時有所繫不克與偕三君子
賦嵩峰漢陵維源竹澗仙壇五篇遺我居者善乎詩之
用也如繪出其芳鏡涵羣象呈鮮彩琴韻雅音俛

仰吟咏之間若在春元之上晴峰之下境移衆目

我心詩之時用也如此否則一時得之人與閑雲俱散
興與夕陽俱盡春與殘花共謝游者居者等無及焉他
日屬和之聲洛陽爲之動旣編次盈什則不可不紀其
所以然 文苑英華

國朝艾元復偃師縣志序

邑必有志猶夫國不可以無史家不可以無乘偃師自
流人煽禍叠罹兵氛考故實則傳疑而不傳信風俗之
隆替賦法之消長悉不可問數千百年之高賢懿行得
無有美而弗彰者乎丙申夏余以襤褸材奉

命蒞偃偃古亳地也伊洛盪其胸大河澆其背高辛氏
殷湯相繼建都政教翊洽成王營洛實爲鎖鑰重地首
被聖化雖丁成周之衰而列侯猶盟於偃緱偃與鞏洛
七邑終春秋之世而不叛是可以觀淳風矣歷漢以來
上下數千年間賢英踵相接也明時人文尤傑出曩代
偃實爲中原文獻名邦余初筮此地歷太行渡孟津心
儀卓魯甫下車延父老而諮詢利病山川不改隆替迺
殊吏事甚爲棘手問昔之華榭高棟今且爲墟矣問昔
之沃野良田今且爲莽矣問昔之肩摩轂接今且爲僅
存留人矣漕儲歲增驛遞如織褥懸於室鴻噉於野矣
一則簿書半淪寢失不可窮詰以其吏寥寥而署蕭蕭
也邑之爲寇崇也如是夫雖然旣叨一邑之寄則凡一
邑之幅員戶田不可不知一邑之忠孝節義不可不聞
一邑之錢穀登耗又不可不釐正而確覈也博訪舊志
兵燹淪失爲之愾然因查邑乘自明嘉靖中縣令邵陽
魏君宏濟臨汾盧君學韶兩公纂修後迄今百有餘年
志沒跡湮採風者何以問俗乎我朝定鼎十有六年
矣尚未議纂修以其功繁事鉅前人諉之後人後人又
諉之後人興墜之任終屬何人也余不揣固陋一日退
食之餘與太學蘭子楠然商確同志銳意開局哀輯蘭

子名閻之裔有良史才余兩人立條例訪故老求稗乘
間會大中丞賈憲臺檄下所司修志乃揖紳衿諸君子
而請之咸頓首稱善羣推游寓豫章名彥鄭子謫星本
邑博士子員胡子淑生茲二人有文望與藺子楠然總
其綱輯舊聞而掇新事勤纂修之勞竭宵旦之力三閱
月而志成付之剞劂約而該典而確傳信不傳疑於疆
域則書務表其隆盛之勢於風俗則書務復其淳古之
風於城池則書務嚴其保障之功於村鎮則書務遂其
閭井之樂人材關乎學校書其何以育才興賢禦武在
乎千城書其何以講武練卒書戶田昔何以盛今何以
一書講其生聚之方書田賦昔何以增今何以耗當究
其盈縮之由職官則有書某也神君某也慈母則效於
是存選舉則有書某也愜鄉望某也著宦蹟聲實於是
在忠孝節烈書之則式歌且舞名基勝蹟書之則流連
景慕至於藝文一書但取其有裨於政教有功於理學
者存之於以備採風而資鑒觀是則余之所以爲志也
豈徒誇誕闕靡傳疑而不傳信哉倘一日者輶軒採風
疆吏以是書進但見疆以內士懋民愿男耕女織風醇
俗美豈非殷湯成周之遺風猶有存焉者乎可以張豫
矣

國朝王澤長偃師縣志序

書記禹貢詩列國風山川土田風俗人物已見其大概矣自編年變爲記傳表志史家遵用之志卽郡縣之史也然史之善者稱馬遷班固涑水歐陽諸家而郡縣之志未有爲藝林所膾炙者何其地隘其事瑣尾其品行駿偉者不過數人其文章卓犖者不過數篇卽有龍門之高才扶風之家學採摭網羅終無以與於瑰璋竒麗之觀已故不登五岳不知羣山之界也不觀四瀆不知衆流之渺也不遊蓬萊道山冊府芸香不知金匱石室之珍儲鸞臺鳳閣之故實也然則爲郡縣之志者不亦難乎雖然得其時與人人無難也我國家聲教覃敷車書一統

聖天子稽古右文加意文獻

勅天下纂輯通志以廣聲名文物之盛行且告成大中丞閻公開府天中百度釐舉亦以志書爲未備檄行各屬續修長捧檄竟讀欣然竊喜又自慚舛陋未克勝任因思偃雖蕞爾邑乃考之昔日亦名區也天文上應張柳地勢交通秦鄭山則嵩邛對峙水則伊洛滙流在古爲高辛成湯故都其流風遺澤猶有存者風氣廻環墳壤沃饒洵河洛間一勝地也迨明季兵燹之後邑乘蕩

然無存值我朝定鼎至戊戌歲艾令曾經修輯今已四十餘年且其時因陋就簡紕漏滋多識者憾之戊辰春長承乏茲土急欲蒐采遺編刪蕪繁蕪勒成一書垂諸版策會以碌碌簿書謙讓未遑今憲令式頒敢不電勉從事以成一邑盛典乎爰集邑紳士宏博長才姬君象方張君樸公李君裘芳暨明經博士員開局於兩程書院供其飲饌給以筆札一遵憲頒條例考訂之事下逮儒生咨訪之勤不遺野老軼失者增之疎畧者詳之繁蕪者刪訂之舛僞者更正之凡夫山川土地之宜戶口田賦之數風俗物力之厚薄忠孝節義之懿美靡不核覈而徵信亦且踵事而增華五閱月三易稿而成書爰進大中丞而筆削之以述往事昭來茲於是乎在恭遇郡伯汪公草創既就敢請刪定以襄盛典長亦得竊步後塵藉以不朽幸何如也然長竊因之而有所感矣聞嘗披閱各縣志或詳或簡文雖互異非上關國計卽下係民風而其間之忠孝節義尤足深入向慕不禁作而嘆曰志之修也蓋以教天下之爲忠臣爲孝子爲廉吏希聖希賢而爲義夫節婦也豈徒以揆藻搜竒侈侈觀聽而已哉是集也紀載詳明參考精確一邑之山川風土嘉跡懿行條分縷析一展卷而瞭若指掌至於憑

高遠眺識地氣之鍾靈望古遙集弔昔賢之遺址或立
朝著節或居鄉立行或烈士成仁或貞媛厲俗異時採
風之使輶軒入

告應與奕奕禹甸濟濟周楨後先媲美不止頑廉懦立
觀成感於一時已也則起頽風而登郅隆端於是攸賴
矣是爲序

國朝朱續志偃師縣志序

邑誌一邑之史也吾鄉王新城先生使蜀隴取道關中
覽秦中諸誌於武功頻陽高陵諸邑乘皆極口稱之謂
其體例書法詳核精嚴足爲楷式乾隆九年九月憲檄
屬各郡重輯誌書余奉令延邑紳士呂君鼎祚喬君
履信等開館編纂適喬以宰頻陽時所撰誌書示余余
因詢頻陽舊誌及武功諸誌果如新城所稱許否喬曰
無他謬巧也率以史法行之耳余聞之愾然曰諸誌之
見推於新城也有以也夫夫以作史之難也劉子元有
三長之說袁松有五難三等四患之說歷指諸史自腐
遷下迄於前明金華宋氏諸人操觚含毫編年紀月幾
於居則充棟出則汗牛矣而才學識三者俱備與褒善
貶惡不畏強禦編次勒成鬱爲不刊高才博學名重一
時準以三等一一脗合者蓋亦希矣至於煩而不整俗

而不與書不實錄賞罰不中文不勝質而且或拘於時或拘於私於勢於衆各蹈五難四患之弊指不勝屈也卽以諸史最佳者言之文直事核如司馬而孟堅子出皆譏之贍而不穢詳而有體如班氏而蔚宗漁仲述議之厥後歐陽修五代溫公資治論者率極推重而歐則事多牴牾人多錯誤司馬則進退去存未盡允協采摭近冗日月參差此考異糾謬舉要補遺諸書之所爲作也記事載筆之難蓋如此乎其至也詎僅懼有陰譴如韓柳二公往復之論與然而執是說也而遂閣筆相視含毫不斷將毋適蹈昔人白首有期汗青無日之謂乎

如身任著作之難者亦慎之而已昔孔子作春秋前有高岸後有深谷慎之至也故筆削褒貶游夏之賢一辭莫贊他如晉之孫盛唐之褚遂良吳兢輩執義如山屹立不可搖撼皆慎之也敬慎將事事靡不舉珥筆之職猶其小焉者也武功諸邑之誌康公對山呂公仲木諸公之筆所以見稱於文壇宿老者亦以命筆屬詞無不其難其慎而後出之也故足述也今與諸公約采摭務博登記務謹去取務嚴不立意見不事包荒備前人三長三等之美而去其所謂五難四患云者庶可出而問諸世呂君舊姓出人固今日之仲木也喬君曩編

懷志一遵公介舊例致可稱述固復不愧南董余以簿
書執筆筆札度置久矣文章著作之事何敢輕議然商
確點次罔不敬慎將之計閱歲餘幸而藏事繕呈憲覽
仰塞台命若謂近攀家學直欲上沿考亭綱目之緒則
余且背面交汗矣是爲序

令

晉社預卜兆首陽山南遺令

古不合葬明於終始之理同於無有也中古聖人改而
合之蓋以別合無在更緣生以示教也自此以來大人
君子或合或否未能知生焉能知死故各以已意所便
也吾往爲臺郎嘗以公事使過密縣之邢山山上有冢
岡耕父云是鄭大夫祭仲或云子產之冢也遂率從者
祭而觀焉其造冢居山之頂四望周達連山體南北之
正而邪東北向新鄭城意不忘本也其隧道唯塞其後
而空其前不填之示藏無珍寶不取於重深也山多美
石不用必集洧水自然之石以爲冢藏貴不勞工巧而
此石不入世用也君子尙其有情小人無利可動歷千
載無毀飾之致也吾去春入朝因郭氏喪亡緣陪陵舊
義自表營洛陽城東首陽之南爲將來兆域而所得地
中有小山上無舊冢其高顯雖未足比邢山然東奉二

陵西瞻宮闕南觀伊洛北望夷叔曠然遠覽情之所安也故遂表樹開道爲一定之制至時皆用洛水圓石開隧道南向儀制取法於鄭大夫欲以儉自完耳棺器小歛之事皆當稱此

神道碑

唐李邕贈太子少保劉知柔神道碑

邕聞古之常銓今之大寶或籍地因勢或經德自身或經疑樂國工或時學時秀或貴盛終吉或等祀老成或廣孝聞家或納忠刑國有一於是則百斯慶書千牘太其聞矧乃摠集高曾備致昆弟悉數以周稱同原而合流息女擇於賢夫胤子訓於良冶首止光寵出入震耀若此表裏者矣府君姓劉氏諱知柔字其彭城人也其先府君母弟銀青光祿大夫左常侍崇文館學士修國史子元按史牒推之楚孝王囂之後粵若伯豫談經景瑜志學令言穎邁王喬名理廻仁之撫接內史之節義是以嗣前人食舊德鼓簧史傳柱石邦家其來遠矣高祖魏驃大將軍北州刺史禕府君諡曰懿曾祖齊散騎常侍文林館學士岷府君祖朝散大夫陳留縣長元遂唐宰相世系作簡留縣長務本府君考宋州司馬贈徐州刺史藏器府君莫不都長忠方簡質貞亮業行優絕政理殊尤府君

稚節一成立年博達典學為海懿文為林鎮重為山幽
 靜為谷清淡事約言遺理深謙常後身儉不逼下至若
 儀刑頌偉風神散逸立若尸祭坐若肅賓認金不爭闕
 馬引罪公庭絕於私議虛室造於元門遠遺之觀一作
 物則得一作名顏子之聞一知十無以過也嘗以為權略
 多豐皦察不詳和令乃私靜勝而言一作立一作莫神
 惡行莫人誅固能陳無兵火無燕變奪物姓延積福根
 然後至精啟純全德居厚崇化務俗樹德垂聲可也識
 者以為張華茂才荀彧遠畧雖曰王佐則無天年今府
 君一者兼之一言得矣觀藝知巧觀葉知秋吉祿大來

考休佑吾無間然矣逮計考甲科溥遊異迹宅憂
 有命從師辭爵廬墳受錫表闕黨錮光復佐職難
 貞歷荆府司馬史氏詳矣自皇運啟聖清途授德典
 國冑司人曹拜司業兼侍讀漸也府君雅伏忠公固非
 權寵耻或趨貴哲不易方出荆府長史復戶部從同宋
 二州楊益二府一淮南廉察再山東巡撫加銀青光祿
 大夫進爵彭城侯大府有四公居其三要轄有三公提
 其兩家卿有九公自屬國二年尚書有六公以司空十
 載分爵有五公當侯伯之榮居守有一公兼宗祏之寄
 巡使有十公兼東土之俗疑輔有三公首儲宮之傳至

傳部集元 卷二十三 三
於仁以養之義以行之慎憲以恤人闢土以祈穀制曰
貢霸之奉法循理錫以高車駟馬之惠化仁明加其冕
服至於發貯賑施書板賦財已一作繫單于且平水土
制曰出膺賢守則郡國循良入侯名臣則衣冠準的俾
遷榮於北斗宜作範於南宮夫如是有足以論道經邦
助天開化增河海之渥澤近日月之景光府君止足發
秉辭滿得地終讓八座還忌三旌聖上錄德序功養老
懷舊就成頤攝留連間曠制曰乃建儲貳聿求賓客允
茲懋官惟爾崇德府君固乞骸骨退守田園恩命如第
尚給全祿嗚呼日有良歲有餘澤藏山風振海矧伊人
也矧伊人也春秋七十有五以開元十一年六月十五
日遇疾薨於東都康俗里之私第皇情震悼追褒荐及
制曰簪纓舊德楨幹通材清以立身儉而率下出入三
署綢繆前宮會不勳遺奄然喪逝言念遺老惻悼于懷
宜寵贈章式旌泉壤可贈太子少保物二百段米粟各
二百石葬日官供幔幕手力等太常考行諡曰文以其
年月日葬於河南府緱氏縣景文山原禮也府君昔在
平日深戒厚葬祖載服用子塔黃門侍郎宗子曷所營
奉嗣子某官某等追惟先志磨穴長號謹以焚之殆無
遺者尙曰史冊者揚乎名碑版者紀於迹今願抒哀敬

却樵蕪發頌聲彰末嗣豈曰唯唯敢不十一千百焉其

詞曰

漢起沛楚封徐代一作別九慶實餘性英秀閱一作卓

犖摠文史張禮樂諫而尊道而勝集百祿延周稱貴自

取德可榮弟紫綬晉黃門始孝思後忠烈歷中外備名

節歲彌長聲更揚懣屬國老文昌懷遠圖忌太盛謝人

爵委天命月有虧日有昃皇恩勤物情惻倚孝子奉惟

疑作訓服川薄哀榮順布史簡繼碑石名教開幽明

李北海集

唐孫述贈太子詹事王公神道碑

洪範五福一曰壽三曰攸好德全生養形者為壽而已

非有德而不彰履仁蹈義者為德而已非有後而不昌

天生大賢神降元吉倚福祿而登祚胤者在宿預公焉

公諱同旺字某瑯琊臨沂人也其先有太子晉以啟其

初謀有將軍翦以固其元胄有中尉吉以大其儒門有

丞相導以蕃其卿族自導至公十有一代禮樂增業衣

冠濟美天下之人謂之著姓曾祖寬陳侍中祖誨之皇

朝秘書郎父知無祿早世皆先達之良也公夙遭閔凶

不稟嚴訓聖善所育孩提有成體恬淡之性資醇醲之

德學無常至言不為華踐行而隱其轍迹襲明而晦其

光耀湛然以靜淵然以默故談者無得而名焉儀鳳調
露之間太夫人春秋高矣願及親以筮仕豈要君而擇
祿繇是解褐鄧州南陽丞六安不樂吾聞其語公則喜
焉孝子之致養也秩滿授濟州司法叅軍垂拱中冤獄
起州將薛顛伏法以公坐是失職十有餘載十年不調
人以為難公即坦然仁者之處約也久之選授吉州司
法參軍以丁內憂哀毀過於禮幾至不全喪服既除哀
聲未盡遂不茹葷血於身矣神龍初調補司農寺主簿
時從父弟同皎選尚公主拜駙馬都尉公以國親封宿
預縣開國男食邑三百戶得而勿喜知來者之不可却
也尋坐駙馬所累調建州司倉參軍失而無愠知去者
之不可止也洎睿宗受命亡辜開釋授公中王府主簿
尋又增秩朝散大夫於是乎見倚伏之回穴矣居歲餘
制攝安州都督府司馬除太子舍人轉太子中舍人歷
太子家令拜宗正少卿遷左庶子東封之歲表請歸閑
制授亳州刺史致仕凡官歷二紀時更五君險阻則遇
屯和平則之泰康強則陳力羸老則向晦命非吾有委
運推移身非吾有與時消息動斯可效靜斯可則古之
至人謂是全德春秋八十有四開元十六年七月十二
日遘疾終於京兆安興里之私第皇上以公春華秋實

傳師縣志 卷二十三 三
之稱著於兩宮故贈以太子詹事飾終之禮厚莫重焉
有司以公天經地義之德冠乎百行故諡之曰孝易名
之典善莫大焉公束帶於朝端然齊肅目不迂視體無
懈容其從官也常避右職其御下也務存大旨不矯舉
以求是不憂務以近名所謂建陵之長者也公雅好釋
典尤邃禪門爰有別業使營精舍懸車之後隱几於茲
不出戶庭彌入真寂斯所謂維摩之梵行也公身居顯
位子至大官萬石集門伯禽拜後而能謙約自退忠儉
有恒占田必先於窮僻卜宅不更於爽塏所謂公綽之
不欲也公屬之內開魯館者二人六姻之中降虞嬪者
再世而能進不求寵退不失親遠而不拂邇而不偏斯
所謂山甫之保身也詩曰瑟彼柞棫民所燎矣豈弟君
子神所勞矣宜王公之受茲蒞祿式是繁祉享高年以
有終保令聞而不已者也初公娶於安定皇甫氏即太
子舍人德參之孫洛陽縣丞寡過之女溫惠成性徽柔
作則降年不永先公卽寘安厝之日公爲郡掾雖班秩
有等坵封尚卑而精靈所寧歲月滋久而公之克葬禮
用上卿同於舊穴是廢王命附於新塋未達神理卜夢
通感子孫是依魂無不之合乃非古以開元十六年十
月七日葬我孝公於偃師縣首陽山之南原夫人舊塋

之東禮也嗣子太子賓客邱懿文執時清行動俗爲國
大器作人元龜不有教忠孰興于嗣不有移孝孰榮其
親豐石未琢行楸已拱敷求作者枉逮門人昇闕里之
堂實難論賦表太邱之墓多媿題銘銘曰

泱泱淮水世祚王氏於穆孝公是爲端士動合元化靜
符真理以道觀身以忠教子北口邱阜南瞻洛川還依
舊穴更表新阡從古之制非今則然峩峩雙龍松栢生

烟唐文粹

唐權德輿贈太子太傅趙公神道碑

在漢孝宣厲精理道則有魏相通故事丙吉知大體百

趙氏受天清淳佐時緝熙本洪範之正直躬大雅之明

哲左輔右弼調若鼎味降祥而生盡瘁而終時貞元十

三年年六十一皇上震悼不視朝三日詔奉常具儀法

冊贈太子太傅又俾百執事爲位哭於其庭弔祠禮贈

集作贈率有加等二府之屬或銘其德於壽堂或狀其行

於考功有司稽實諡曰貞憲公之盛業斯謂不朽又舉

其始中終之畧識於神道公諱憬字退翁天水西人其

先成子之文宣子之忠文子之知人左邱明太史公寔

書之曾王父仁本皇司列少常伯同東西臺三品以忠

清屬翼多所發明乾封摠章之際號為稱職王父贈趙

集作越州都督誼歷右司郎中乾封縣令司僕少卿烈考

贈鄭州刺史道先仕至洪州錄事參軍惟祖禰含章故

慶延追錫崇構丕矩復大於公公保抱之歲生知色養

羈冠之年則無幼志及夫被儒服踐法言敬直而文肅

莊而溫端誠博物錯綜古今非大中至正不接於心術

寶應中元宗崩肅宗辛梓宮有司議方中復土之制時

西鄙日聳歲饑人流公以王者追孝恤禮宜儉褐衣上

疏詞約指明君子曰此劉更生諫昌陵之言也息偃江

介名聲籍甚始佐州乃辟榮車自試守江夏尉三遷

監察御史其後翹車繼轍賢侯虛左大凡難理之府

皆待公為重歷殿中侍御史太子舍人集作丁太夫人

憂柴毀孺慕殆將死孝感導善氣降為嘉生有芝煌煌

秀於壤樹之側公默而去之人莫知者既免喪徵拜水

部員外郎未幾檢校工部郎中副湘中七州軍事居一

年詔領留府尋踐方伯以中執法錫金印紫綬罷職家

居拜給事中執法疊懷和北狄有下嫁冊命之禮復兼

縣丞以副皇華旋軫未至遷尚書左丞峻人用彰皆以

貞勝其初撫封上狩於瀆中守臣之任憂寄愈切公恤

隱布和仁而愛人輿師知訓善吏樂職行之三年教化

明備底頁有藝賦政不煩系矩以度寄衰露章而無吐
茹飛語雷動明誠山立受代踰年事寔敷聞故有左曹
之命講貫舊章惟真是視刑或失入議將必還公望日
盛其勤靡盬故有和戎之役致賜論旨協寧殊憐疆場
之言專對而不給紀綱之僕承事而不征保就安利北
方咸悅故有在途之拜整南宮之紀律起郎吏之功緒
風望素重法制尤精嘗歲終舉吏可以長人者或以其
細故深詆將以病公公乃移書自誦請下其考有博大
之度無怨欲之私一臺承式六轡在手持綱體要善否
有章故積公輔之望貞元八年夏四月拜中書侍郎平
章事明年五月轉門下侍郎以厚德載物以全才宣化
舉直盡忠敷納詳集作明正王集作度之本去一朝之
便事有統紀心無面從嘉猷匡言鎮定宏大謙厚而不
僕持平而居易闢邪塞違貞厲而不校陟恪始終帝載
用和戲疑夫先正集無常伯歷左肅機東臺侍郎充著
休功再參大政公皆踐之是以仰之嘗以為漢庭諸公
罕備有集作用以石慶之醇謹而不能關決薛宣之方
畧而失於煩碎翟方進之明通而固其位公孫宏之節
儉而近於名公備集作有其長彼寔多缺唯丙魏所履
我無愧焉嚮使天與之年盡行其道則天之所化可勝

既乎故其登庸也士之仁者相賀而不仁者相弔其全歸也士之仁者相弔而不仁者相賀斯可知已至若睦中外之姻而均其祿賜嚴宗廟之祀而不理第室敬手足之日家無餘財奉終即遠待恩禮而後備難矣哉國子宣亮全亮元亮承亮等伯季以門子為宏文生叔仲始解巾受祿皆稟德風幼而孝謹以十一月景午時得吉卜奉公之喪耐窆於河南緱氏縣景山之原禮也以德輿叨居宰士嘗辱深知職奉贊書備詳盛烈俾刻金石聞於無窮銘曰

晉有成宣代稱忠勲先正常伯匪躬事君繼復於公為

是經中立不倚乃賦明命宜躋遐紀吾道方伸修途遠已緱原蒼蒼宰樹成行命名章章樂石在旁噫嘻太傅之風永代不忘

文粹

唐權德輿贈右僕射王光謙神道碑

天球白珩產於崇山叩之而清越格人莊士生於積德用之而宏大其或含光而耀藏器不發乃熾而昌是滋百祥蘊而為義方飾而為徽章故太原王公四筮仕而領通邑五追崇而登端右循政茂於官下湛恩集於身後有由然也公諱光謙字其自東漢鴈門太守澤五代

至晉中書令獻之坦之歲蕤德名與吉祥倅盛自後魏
龍驤將軍長杜穆侯慧龍五代至隋秘書少監邵以勳
華文學復大其門秘書生隋揚州戶曹參軍來

宰相世系表作

揚州司馬孝京戶曹生皇青州司戶參軍子奇司戶生美原丞

贈太常卿慶賢三代沉晦適其風訓公即太常府君之
長子也幼而岐嶷長一淳懿絜矩慎獨抱仁戴義閱深
博辨之學稽古禮文之事炳然含章靡不通貫至若文
舒之清修廉寔處冲之剖析元微安期之宏恕長裕之
沉靜合是家法而躬行之始以門蔭受署凡四徙官曰
幽州三水潞州潞城二主簿絳州萬泉縣丞楚州淮陰

以至之邦二千石必加禮慰薦而公守灑勇退卑
不可踰及為縣令也務清淨之禮而去其煩苦推明誠
之本而教以廉隅一同熙熙生殖阜滋楚風丕變幾至
齊魯因喟然曰彼天爵美祿者在仁義與樽酒而已太
邱彭澤豈多秩耶於是放懷於外嗇神於內沉研象繫
之表盤礴天人之際其致知格物不可詳已以開元二
十九年春正月捐館舍於淮陰年六十九其明年返葬
於河南府鹽師縣北山之陽夫人博陵崔氏贈博陵太
夫人繼夫人隴西李氏後夫人同郡武氏贈彭城郡太
夫人飾終三加子貴故也公子才子五人長曰翊以博

雅典憲亮直方貞

集作直方貞

歷御史中丞任散騎常侍刑

部吏部二侍郎御史大夫贈戶部尚書諡曰忠惠次日

駟吏理詳明官河南府羅陽縣尉

集作丞

次日翊循良愷

佛勳德茂盛歷辰朗容三州刺史容管經畧使兼御史

中丞河中少尹朔方節度留後汾州刺史單于副都護

鎮武軍使徵拜京兆尹尋兼御史大夫再居大理寺卿

為福建觀察使人為太子賓客貞元十二年檢校禮部

尚書東都留守踐履藩垣逾四十年階至特進爵封本

郡次日向土行清修為秦州上邽縣尉幼曰翽文敏在

幹政歷監察御史三原縣令著作郎太子僕翽向皆不

幸早夭翽亦命屈其志而中惠公太原公摠集体祉

宗工蓋臣初忠惠公與肅宗代宗從容言天下事甚衆

且日文致太平在正名百職危言悃悃痛詆權幸條陳

理道坦然章明沃心前席帝以為相者數矣雖位竟不

致而其遺風直聲暴乎天下太原公剖符賦政累刻金

石滅夷越劇賊開地靖人俸滿也以沉幾銷急變護單

于也以尺書彙獲俗中外官師淑聲流聞保釐尹正式

是東夏安危注意未始有極言代德者以公之保

集無保字

道未光而慶下鍾惟其有之是以似之之故也初以忠

惠公扈鑿輅於岷峨其勤匪懈贈公隴州刺史又以持

節母冊命專對於北方問關一力再贈公秘書監後以太原公南服嘉庸三贈公為一尚書以轂下肅清四贈公為太子少保以國方報之立贈公為尚書右僕射噫嘻賢人教忠之業令嗣揚之孝大君追遠之澤是三者可為至矣十七年太原公貞于龜筮得二月壬寅吉於是備八疏七章驚冕佩玉之飾博陵彭城二郡太夫人以象服祔焉詔給肉薄官司喪事慶靈集於一門光耀被於九原然後知積德豐報之不誣矣至若忠惠之子為守臣太原之塔居台司諸孫昌阜官映圭組冊諸碑陰以備代家錄慈範美銘公德美集作其

有匪君子兮德行醇備集作赫兮峻兮

義觀我靈龜兮腊毒之厚味樹風百里兮馳蒲密之不耀兮流慶後昆忠惠既及兮太原顯尊五加追命兮賁元壤隼顯龍劍兮以至師長澤流根葉兮恩及滿京堂拱木兮集無橫蒼烟武可作兮臧孫有後崇岡樂石兮昭晰悠久吁嗟王公斯為不朽文苑英華唐權德輿贈太子少保徐公神道碑

公諱申字維降東海郟人五代祖周宣州刺史瓌瓌生隋江州司馬晏晏生吉州太和丞仁澈仁澈生皇吏部

郎中諫議大夫元之元之生公烈考渝州司戶參軍贈
 信州刺史用仁義世其家諫議之文行信州之廉退及
 公始大永泰初嘗疑著作曹常侍至操柄儀曹舉士林
 之菁華舉進士上第調補秘書正字四征翹車相屬於
 途望公舉趾以為重九江而西服嶺而南與朔塞被邊
 之地聯為命介歷大理評事司直監察御史太子司議
 郎殿中侍御史錫以章綬皆與國路公之誅哥舒晃也公
 以從事三謀居多嗣曹王之守鍾陵而誅李希烈也公
 長史行刺史調州師以護疑道厥勞茂焉江漢既清
 部州刺史先以長史不任疑官曹勉廢刺史寓於理

邑之令丞與編人雜處比戶通亡公田為燕公乃
 耕牛賦與種食人人自占疑其力而為之制歲乃善
 積為倉箱於是計徒庸程日力作為城寺大治垣屋廡
 置而列道橋器用皆備焉疑去之日夫家名數倍差於
 始至而不書於籍邑子張棟等五百人獻其理狀得請
 於觀察府以函奏書請立碑祠公瞿然止之曰此刺史
 職且一旦上聞與沾伐者何異所不悉為也府不能奪
 改合州刺史以先濮陽郡太夫人兆域未耐表請葬總
 麻既除以御史中丞領景州刺史自兵興四十年山東
 諸侯率強大矯蹇郡二千石多自命於轅門蓋縣官息

人含垢而因緣漸漬然也至是朝廷以滄州負海勁兵
 攸處乃建節將幕庭裂屬城以置支郡會其隩亦請饒
 守於朝朝論難之二府比推擇未稱因召公入見而
 命焉錫命服文馬緡錢五百一作萬尋加節度誦使中
 朝之條臧慮令始被於景人是歲節度使來朝既從父
 兄為代表公以本官為軍司馬陳情去職徵還京師
 以御史中丞出涖邕州領經畧之任開南蠻徼道宣
 威信種人黃氏納質請命化條風行獷俗以清明年
 貴人持兵符詔書至部以御製大夫督南海二十一
 軍事而節制焉前此守臣物一作乘變竊發一作行

置部校拔用惡少年百輩軍中

及亂相率亡命公既

捕誅首惡悉原諸誑誤者夷

其險阻白晝攻剽及夷

根株使無遺類然後布以寬

八安作業滇漲之外巨

商島艦通犀南金充狃狎至

丁之恩澤賜予聲明物

采皆待焉上應急宣以馳疾

下無強賈用絕姦利和

輯招徠外區懷之則四封之

其理可知也朝與酌庸

進措至銀青光祿大夫時庸

未靖公密疏請發卒徒

五千循伏波故道抵岷峨以

令師期誅不恪詔可其奏

就加禮部尚書秩正三品疏

東海命書未及至奄捐

館舍遂以太子少保印授弔

稱焉是歲改元元和公

之生七十年矣嗚呼以文發身以智經物惠和且溫忠
 恪廉清佐賢侯長轂皆有理效在部也興事功在景也
 修班制助寧察風俗南海整綱律以八命居六官攸好
 德考終命其蹈履之全乎夫人渤海高氏早沒繼夫人
 扶風郡夫人竇氏柔明有賢行嗣子右衛倉曹元弼似
 續文敏號眺毀墓以某月日寧神于東都偃師縣之某
 原乃封堅石以傳永久銘曰

噫徐公有質有文有義有仁石聲章明邁羣倫兮噫徐
 公不佞不求不緇不磷贊佐 四征暢嘉聞兮公之牧人
 子歸于景于邑于廣朱轡 命利攸往兮公之愛人

清以靜以惠以養流庸集附如景嚮兮如何不備菴忽
 朝山者過之問天地之中吁嗟乎徐公 文苑英華

國朝朱筠奉政大夫吏部郎中武君神道碑并銘

禮師武億以書介宛平王範曾武進陳宋賦懷寧余鵬
 稱三生抵筠乞為其尊甫先生驗封君撰神道之碑曰
 伏惟夫子于先人非有一日之雅而億又不為世所知
 獨敢奔命投誠於前者自惟朴鈍辛辱教必不敢自誣
 其先而俾吾夫子陷于有愧詞之訕幸哀而賜之銘其
 詞文應昔請銘法而 國制自五品以上得於神道建
 碑刻文如式筠謹諾按狀君姓武氏諱紹周字夢卜國

初自河南之河內遷偃師懋德于君為曾祖 贈奉政

大夫吏部驗封司郎中諱維翰于君為祖

勅贈文林郎東流縣知縣晉

諱贈奉政大夫吏部驗封司郎中諱朝龍于君為父以

篤義尚行載在縣誌君初入塾不苟于羣兒戲長益精

誦弗輟通毛詩左氏春秋補縣學生父喪服除康熙丁

酉舉于鄉雍正癸卯成進士出興縣孫文定公門文定

一見奇之曰若矯矯可試館職也時例進士引

見選原吉士者必用大臣函荐非是不得充館選禮部

侍郎立封景曰眈故知君君 奇語君請以鄉校

往見而後荐之君謝不可以是歸進士班兼選司久之

選為汾西知縣縣故荒僻而典文某輒侵官事橫縣中

前知縣者不能制民頗患苦君聞到官典史以君書生

益易之迎謁請曰堂翁事不決者幸以屬屬吏君曰幸

甚即手引重積日月糾結者誰試之爾造爭喧于前

典史執手不能柯問君徐呼役曰設坐廳事西偏訟者

來數語立中其肯綮爾造叩頭各解去當是時一縣譁

為神君而典史旁睨流汗頓失其橫乃行歷萬山中度

地高下宜開石渠以輸甘河引水旁溉園柏諸鄉田百

餘頃縣便利焉又問所疾苦凡煤稅供給一切減除之

抑痛爬癢民乃大蕪君初至行祀及廐廐神猙猙若厲
鬼君仰曰此爾雅云旣伯馬祭鄭君所謂馬祖天駟者
也狀胡惡吏侍色變君怪固問吏曰神禍福如響官勿
多言君叱之明日馬死者再吏曰奈何君曰神不禍福
以駭人偶然耳明日馬又再死吏入固諫君厲聲曰神
與知縣同司

天子驛而乃賊殺驛馬求飲食神食且馮魁罪不赦吏
立笞碎之命更像祀焉自是廐無害一歲間蝗君按禮注
有八蜡有先蒿司音及昆虫之文而詩有田祖毛傳
箋並云田祖者迎祭先蒿也乃躬率民築壇周坎以

田祖蕪燧坎中令民執蝗來內坎斃之君肅立禱詩祝
曰田祖有神秉畀炎火觀者曰迂哉一夕蝗失若齧然
君治用經術設誠而行往往後效他日比縣賊民挾左
道寢欲爲變山西大吏召君各授指往擒之君念擒之
而功在我知彼縣者禍不測矣則手擘書呼健役一日
夜投其縣又佯疾作遲遲行比及縣而知縣者已械其
魁來君與俱入見大吏謝曰微某者紹周以疾幾敗機
事大吏怪之博諷得其狀則嘆曰長者長者嘗攝大寧
大寧有馮鉄漢者梗吏法候縣官至則狂呼請先試官
重楚楚之血被地徐起揚揚行有喜色縣人顧之擣舌

走君至又來呼於門如初君召入諭曰若人耶以若父若母之膚與楚校又因以為人暴若向人耶縣官楚以楚吾人不楚若非人者若去母恩此鉄漢聞君言則大慚沮出後君再過太寧鉄漢從父老來迎與前君駭問父老何與若來鉄漢伏哭曰某生幸遭公獲名人矣父老皆曰鉄漢今為善人縣之福公之恩也久之以歲計報績調知臨晉到官數月丁母憂大吏以君循吏以在任守制聞君泣請行歸既除授池之東流君至東流故知東流某者當代去負官錢無算時知池李強君任之不聽忤知府意輒引吏文書書小

石輒速縣吏去府

日以來其詳號于縣庭中

不勝其憤坐正衙杖其役而遣之役狂訴於府知府大恨欲出死力以擠君不可得會吏部行取君為主事知府何君去摘他過中君破議降級補光祿寺署正遷大理寺右丞奉差倉塲監督再遷吏部驗封司員外郎掌印郎中君在京歷官克舉其職其人吏部巨老矣然治牘必手削之務覈事實雖老吏皆憚君不敢其例在部號為能然非公事未嘗一謁要人積其用為道及知矣或曰不謁要人即例有變君笑曰吾老倦於出且耳竟休致歸時乾隆二十二

有云已而辭去閉戶不出鄉人罕識其面久之縣募民
天種官道柳隸來叩門君出應之隸挾君去爲夫君不
罷與辨隨行入市市中識君者曰公不出久矣何從來
此言告以故于是市衆羣詬隸曰若警耶不識吾鄉吏
言武耶隸叩首謝君乃罷君在吏部時適李嶂者來補
百介君鄉人以外有司儀君折求見君則爲之執故吏
王委旣罷未嘗與客言其前怨縣人至今稱君之德
也君家居五年年七十有四卒君生於康熙庚辰
辛巳年五月十七日卒於乾隆

宜入樹室郭氏子六修俊仰倬億儒女二億以乾隆
庚寅本省鄉試獲舉從筠遊以請銘者也君諸子先以
甲申冬十一月葬君北邙之原不及納石壙中茲乃重
爲之銘於其神道銘曰

稽風俗通宋姓武功河南巨邑小遷偃師去高曾渠渠雷
至橐柙君竟大夫成進士初文定模玉堂夢隔清吾
魂魄非掃門客仕逢惡尉辭一沃沸神君民謂甘河距
川漑園柏田石燂疾蠲伯祀厲碎像變置害苗投織
我馬虺隤察撫賊魁讓謙筮世大寧鉄漢血楚里悍化
君爲善泣行母服除官池屬守不淑入大官厨廷平

讞書吏部老除故守選謁醜醜厥厥故吏不伐亦不誦
官將擢老焉教授開闢隸烏黎面充夫推牽君返自歸
德與度美天厚君死六丈夫子億也桀桀先大君閱詞
乞銘剝邱山之蘊古碑蓋天五文不愆

[Faint bleed-through text from the reverse side of the page, including characters like 早也, 本自, 宜人, 禮定, 摩, 凡, 年, 六, 劫, 盈, 所, 積, 餘, 備, 又, 二, 意, 以, 聖, 子]

